

文昌孝經

康德戊寅秋重鐫

文昌子經

重刊文昌孝經序

善爲治者必以正人心媿風俗爲稱首人心風俗
之原莫重於孝動乎其天則感之者速入之者深
而端本善則要自上始善乎汲長孺之言曰爲治
不在多言願力行何如耳秦興邑侯大梁張君瀚
門事 母太夫人以孝聞養吾親因欲民之得所
養安吾親曰冀民之得所安故凡救荒築堤濬渠
勸學諸善政靡不次第脩舉侯之政侯之孝也而
復以不匱之思錫諸同類爰取文昌孝經擇其注

本尤善者梓而行之非藉神道設教也蓋是經原本孔子孝經而剴切詳明顯蒙尤易覺悟苟家置一編師以是教弟以是學少習長安人心風俗之厚將於是乎在或且以非爲政之要疑之非特不識侯之所以用心抑亦不知政本矣

咸豐元年天中節後十日暨陽鄭經謹序

邱註原序

帝君以至孝。而居文昌上位。一十七世。爲士大夫身。現九十八化行藏。無在不以孝顯。敬誦經文六章。父母育子之勞。曲盡其心。人子體事之懷。精悉其義。綱維至性。經紀民物。達自一孝。準諸萬事。摯而加切。約而加詳。廣宣教化。敷揚妙道。集衆孝之大成。而創千古之子則者也。宋西山眞先生。言是經神妙。通明易曉。如家常說話一般。無不動智而覺愚。其理生天地。生萬物。

幹陰陽而照人極。治羣類而建王綸。曾子十八
章。直與帝君大旨相發明。所以爲文明之首出
者乎。宜其藏之天府。士爲之旋。道爲之運。置之
巖阿。山永不崩。貯之水府。波臣順澤。麟趾不踐
生草。鳳凰不食昆蟲。仁鳥反哺。順竹衛母。種種
皆慈孝仁化所感。誠大羅命世至寶。爲君儒立
教不易之宗。溶幼服帝訓。每日持誦是經。一夕
靜憩文境齋頭。夢帝君告誡曰。子誠能廣布經
文。普勸世人。我當保汝甲第聯雲。位極文臣。溶

因與同人。構梓翻刻。廣施。凡五千餘卷。開試之
日。見奎斗執筆挾卷。跳躍於前。卷上大書金字
曰。文昌孝經。須臾不見。頓覺祥光滿塲屋。異香
襲肢體。文思大徹。揮毫如意。果得天選高擢。噫
嘻。潛之堅持孝經。非以期驗也。乃得奇驗。應兆
如此。始信帝君爲靈赫赫。垂訓凜然。孝與不孝
洞鑿無遺。聖天子至治丕變。以孝爲本。孰有加
於經文開化之顯著哉。於是載鐫而闡述焉。以
見孝宜自盡。爲斯人之首務。庶不負帝君之誨。

諄告誠云。明少保大學士。邱濬瓊山序

目錄

育子章第一

體親章第二

辨孝章第三

守身章第四

教孝章第五

孝感章第六

註釋姓氏

瓊山邱仲深先生原註

桐城吳雲莊先生補註
祥符徐餌珊先生旁註

文昌帝君孝經六章

育子章第一 (邱)育者教養 生成俱是育

帝君曰、乾為大父、坤為大母、(吳)天、陽也、以至健、而位乎上、父道也、地、陰也、以至順、而位乎下、

母道也、不曰天地、而曰乾坤者、天地其形體也、乾坤其性情也、含宏覆載、胞與萬有、羣類咸遂、

各得其所、(吳)天覆地載、包含至大、民物同生於天地之間、莫不有以若其性、遂其宜焉、賦形為物、稟理

為人、(吳)人字須一重讀、見得人為萬物靈、當知孝為百行先、不孝、無以為人、不孝何以別物、超物最靈、脫離蠢

劫、戴高履厚、俯仰自若、相安不覺、失其真性、(吳)孩提

之童、無不知愛其親者、性相近也、及其長而反不愛者、則習相遠矣、父兮母兮、育我者宏、兩大生

成、一小天地、(邱)言父母恩 一天地恩、世人不悟、全不知孝、一提(吳) 詩曰、欲報

父母恩同 天地故從 天地之生 人生物說 起

坐此者多

讀者可想 見帝君垂

教執意下方是訓語

四語總括以下分疏懷胎之苦

分娩之危

之德、昊天罔極、人日當天、而不知天之高、猶日事親、而不知親之德也、吾今明闡、以省大衆、乾坤養

物、勞而不勞、父母生子、不勞而勞、(邱)乾坤、時行物生、雖覺其勞、而實不勞、父母、養

育懷耽、不知其勞、而實劬勞、自妊及字、自幼迄壯、心力所注、無有休

歇、十月未生、在母胎中、(吳)列女傳曰、古者婦人妊子、寢不側、坐不邊

坐、目不視邪色、耳不聽淫聲、夜則合警誦詩、道正事、如此、則生子形容端正、才過人矣、淮南子曰、人受天地變化而生、一月而膏、二月而朕、三月而胎、四月而爪、五月而筋、六月而骨、

七月而成、八月而動、九月而躁、十月而生、形體以成、五臟乃形、母呼亦呼、母吸亦吸、耽娠如山

、筋疼血滯、寢處不舒、臨盆性命、若不自保、父心

關惻、母體擔虞、縱令易誕、費盡勞苦、若或遲久、

不行分娩、艱難震恐、死中幸生、幾舍其母、始獲

懷保之報

所謂子生
三年然後
免於父母
之懷

方長謀之
必周

其子

(吳)唐書、太宗紀、冬十一月、帝生日、罷宴樂、帝謂長孫無忌等曰、今日吾生日、世俗皆為樂、在朕翻成傷感、今君臨天下、富有四海、而承歡膝下、永不可得、此子路、

所以有負米之恨也、詩曰、哀哀父母、生我劬勞、奈何以劬勞之日、更為宴樂乎、因泣數行下、左右皆悲、按太宗母某妃、子、太宗將產、胎不下、思心疾甚、召醫、醫曰、此子在腹中、以手

握母心故也、教子、則母不能保、救母、則子不能全、妃曰、教子耳、母何足惜、醫即以銀針針之、兒下、母旋殞矣、事載醫書不言姓氏、余攷逸書、知為唐太宗事、故并記之、

月暗居、三年乳哺、啼卽懷抱、猶恐不調、睡令安

寢、戒勿動搖、含食以飼、貼衣以裹、諒其飢飽、適

其寒暑、痘疹關然、急遽驚悸、呬唔解語、匍匐學

行、手不釋提、心不釋護、(吳)舊唐書禮儀志、子之於母、慈愛特深、非母不生、非母不育、推懷居濕、咽苦吐甘、生養勞

率、恩斯極矣、子年既長、恐其不壽、多方保持、幸而克祐、

籌畫有無、計其婚媾、(吳)司馬溫公家訓曰、婚姻、先論培與婦之性行、及家教何如、培之賢不肖、一生貧富貴賤所係也、婦乃

家所由以盛衰者、苟慕其富貴而娶之、彼挾其勢、未有不輕其夫以傲舅姑者、即使依婦以取榮、丈夫志氣、能無愧乎、世俗有好為繡襪許婚、指腹成親、及既長或不肖無賴、或身有惡疾、或家貧行污、或從宦遠方、遂致棄信負約、從違兩難、計訟者多矣、是以先太尉嘗曰、男女必俟長成議婚、終身無後悔、此子孫當法也、

厥齡方少、諸務未曉、一出一入、處處念之、綢繆咨嗟、諄諄戒

命、親心惆悵、子方燕樂、教之生計、教之成業、母

誕惟艱、父誨非易、兼至教養雖至其年、恤若孩提、食留

子餐、勝如己餐、衣留子衣、勝如己衣、子若有疾、

甚於己疾、有可代者、己所甘受、(吳)劉叢山人讀、元城劉先生云、安世尋常未嘗服藥、方遷謫時、

年四十有四、先妣必欲與俱、百端懇罷不許、安世念不幸老親入於炎瘴之地、已是不孝、父母惟其疾之憂、如何得無疾、祇有絕欲一事、可以自主、遂舉意絕之、自是逮今、未嘗有一日之疾

亦無宵寐子若遠遊、行旅風霜、夢寐通之、踰期不歸、

既長憂之更甚

不保身者當念

好遠遊者當念

晴裂腸斷

(邱)居處愛護、出入教誨、備極其勞、衣食疾病、遠遊行旅、又極其勞、總結、不勞而勞之意、(吳)孔子曰、父母在不遠遊、遊必有方、千寶搜

神記、曾子、從仲尼在楚而心動、辭歸問母、母曰、思爾鬻指、孔子曰、曾參之孝、精或萬里、孟郊詩曰、慈母手中線、游子身上衣、臨行密密縫、意恐遲遲歸、誰言寸草心、報得三春暉、

昨非菴日纂三集、洪浩、熙寧中游太學、十年不歸、其父作詩寄浩曰、太學何蕃且一歸、十年甘旨誤庭闈、休辭客路三千遠、須念人生七十稀、腰下雖無蘇子印、篋中幸有老萊衣、歸時定約

春前後、免使高堂賦式微、浩得詩即歸養、錢塘、吳槩、洪武間、官四川、其父敬夫思之、作詩云、劍閣凌雲鳥道邊、路難聞說上青天、山川萬里身如寄、鴻雁三秋信不傳、落葉打窗風似雨、

孤鏡背壁夜如年、老懷一掬鍾情淚、幾度沾衣獨泫然、敬夫卒、而槩始以丁憂還家、嗟乎、世之宦游者多矣、銜命千里、親老不獲從、甚則倚闕、陟配、目窮心折、終不敢少露於賓客笑語、及

郵筒筆楮之開、而子或浮沉宦轍、垂五六十載、子有寸善、誇揚樂與、(吳)出而裾絕、入而室虛者、豈少哉、則前詩可念也、(唐書)

王勃傳、福時少子勸、亦有文、時嘗託韓思彥、思彥戲曰、武子有馬癖、君有譽兒癖、王家癖何多也、使勸出其文、思彥曰、生子若是、可夸也、按福時五子、勸勵勃助勸、皆以文顯、

子有小過、回護遮蓋、暗自傷心、恐其名敗、子惟

賢能、父母有賴、子若不肖、父母誰倚、子若妄為、

揚子善

掩子惡

子賢則親

安子不肖則親危

父母身危

(吳)孟子曰、世俗所謂不孝者五、惰其四支、不顧父母之養、一不孝也、博奕好飲酒、不顧父母之養、二不孝也、好貨財私妻子、不顧父母之養、三不

孝也、縱耳目之欲、以為父母戮、四不孝也、好勇鬪狠、以危父母、五不孝也、**作事未事、俱切親情、**(吳)漢書、雋

孝也、**作事未事、俱切親情、**(吳)漢書、雋傳、為京兆尹、錄囚徒、多所平反、其母為喜笑飲食、或無出、即怒不食、故不疑嚴而不懽、宋書、何無忌、夜于屏風裡草檄文、其母劉牢之姊也、登帳索窺之、泣曰、女能如此、吾復何憂、問所與謀

者、劉裕、母尤喜、因言元必敗、事必成、以示之、曰漢書、嚴延年、為酷吏、號啖伯、母數責延年云、天道神明、人不可獨殺、我不意當老見壯子被刑也、後果棄市、唐書、李景讓傳、景讓常怒

牙將、杖殺之、軍且謀變、母欲息眾、謹召景讓庭責曰、爾鎮撫方面、而輕用刑、一夫不甯、豈特上負天子、亦使百歲母銜羞泉下、何面目見先大夫乎、將鞭其背、吏大將再拜請不許、皆泣謝

乃罷、**芽栽茁培、**(吳)呂氏春秋曰、父母之子子也、子之子父**堂基構植、**母也、若草莽之有華實、樹木之有根心也、

(吳)周書大誥、若考作室、既底法厥子、乃弗肯堂矧肯構、註以作室喻之、父既底定廣狹高下、其子不肯為之堂基、况肯為之造屋乎、**母勤子生、父**

作子述、其行其志、不厭其苦、憐子念子、何時放

置、形或暫離、心恒無間、(邱)言父母無時無處、不望子善、自育至長、心無不至、**貴如帝王、**

總上文言
父母於子
無貴賤智

見親之於
子無不欲
其知蘭周
當階箕裘
克紹也

二句更無
所不包

愚彩遲古
也今其心一

結到乾坤
言父母之
恩與並

前章是親
體我心此
章及後守
身等章皆
還體親心
一部關鍵

神如天、顯如公卿、賤如編戶、愚如齊民、皆如

是心、窮達愁樂、存歿明幽、皆如是心、混沌初分、

亘古及今、普天匝地、綿綿惻恒、父母之心、無不

如是、一結如乾覆物、如坤載物、和藹流盈、充塞兩

間、莫大慈悲、無過親心、(吳)慈非莫如父母、世人何必念經、拜佛、舍父母而他有所求、日纂三集、侍郎、溪王公、見人

禮塔呼而告之、曰、汝在家佛、何不供養、邱氏曰、章內將乾坤父母配、見得親恩浩大、非乾坤不足以形之、故首以全不知孝句提醒世人、以後句句說父母、卻句句教行孝、

體親章第二 (邱)體者見得子心是即親心從無可分處

帝君曰、前章所言、不止育子、直將子心、親曲體之、凡爲人子、當以二親、體我心者、還體親心、(邱)直指

在此

親心、而加一體字、猶之尼父、與武伯論孝、不言體我此身、骨稟父生、肉

稟母成、一膚一髮、或有毀傷、親心隱痛、子心何

安、(邱)上言當體親心、此則接子心不安一句、可見親與子合一處、正是當體處、(吳)祭義、樂正子春、下堂而傷其足、數月不出、猶有憂色、門弟子曰、夫子之足瘳矣、數月不

出、猶有憂色何也、樂正子春曰、吾聞諸曾子、曾子聞諸夫子、曰天之所生、地之所養、惟人爲大、父母全而生之、子全而歸之、可謂孝矣、不虧其體、不辱其親、可謂全矣、故君子頃步而不

敢忘孝也、今子忘孝之道、子是以有憂色、提出心 太和蘊毓、父兮所化、

母兮所育、一有不孝、失親本來、(邱)化育二字、包天地而言、要見當體處 孝先

百行、根從心起、再提心 定省溫清、時以敬將、(吳)記曰、冬

定而晨省、史記高祖紀、高祖五日一朝太公、如家人父子禮、北齊書孝昭帝紀、帝性至孝、太后居南宮、殿去南宮來去五百餘步、雞鳴而去、晨時方還、來去徒步不乘輿輦 每

作一事、思以慰親、每發一言、思以告親、入承親

此段就人子一身言體親

敬是心之主

顏、親歡我順、親愁我解、出必告親、恐有惡行、以

禍親身、歸必省親、恐有惡聲、以拂親心、(邱)是謹其出入也、所以說孝自

門內始、(吳)戰國策、昔者曾子居費、費人有與曾子同名族者、而殺人、人告曾子母曰、曾參殺人、曾子之母曰、吾子不殺人、織自若、有頃焉、人又曰、曾參殺人、其母尚織自若也、頃之、

一人又告之曰、曾參殺人、其母懼、投杼踰牆而走、夫以曾母之賢、曾子之孝、一旦流言之來、終不保其母之不疑、况常人之素行不端者哉、力行戒慝、

隨時加惕、口業不干、身業不作、(吳)馬援誡兄子書曰、吾欲汝曹聞人過失、如聞父母之名、耳可

可得言也、恐有意業、欺親欺身、恐有心業、累身累親、

(邱)體到意心、實有一段、仰不愧、俯不作、可以報父母劬勞、正可以答天地化育處、應上泰和蘊毓、三句、(吳)司馬溫公家訓曰、某事親、無以踰於人、能不欺而已矣、至於事君亦然、又

曰、凡子受父母之命、必籍記而佩之、時習而速行之、事畢、則反命焉、或所命有不可行者、則和色柔聲、具是非利害而白之、待父母之許、然後改之、若不許、苟於事無大害者、亦當曲從、

若以父母之命為非、而直行己志、雖所執皆是、猶為不順之子、况未必是乎、我有手足、(吳)後漢書袁譚傳父母一

此以下推
廣言之共
有十六層

既完得一
腹字

體、異母兄弟、總屬天倫、恐有參商、殘親支體、(吳)宋史、

范文正公、少孤、母改適朱、公因字于朱氏、公既貴、待異母兄弟一體、特以任子移之、叔伯同根、宗族一家、恐有

乖戾、傷親骨肉、(吳)宋史、范文正公、輕財好施、尤厚於宗族、嘗語子弟曰、吾

吾安得不卹其飢寒哉、且自祖宗來積德百餘年而始發於吾、若獨享富貴而不卹宗族、他日何以見祖宗、于地下、今亦何顏入家廟乎、于近郭買良田數千畝為義田、以養羣從之貧乏、擇族

人長而賢者一人、主其出納、人日食米一升、歲衣繡一疋、嫁娶喪葬者、皆有贍給、劉戡山人譜、陳克庵、嘗謂其子曰、吾藉祖宗餘慶、官二品、祿入之產、汝何可獨享、其分十之六為思

遠莊、以事先以周宗族、乃捐田百四十畝于公家、迨公卒後行甚、族人欲以田還其子、子不可、曰、先人行義、豈取而私之、獨不愧于心乎、人謂公有子矣、祖曾上

人、恐失奉事、悖親孝思、(吳)人譜、李翱年七十、享祖考、猶親滌器、人

謂祭則致其嚴矣、許文正公疾革、家人有祀事、公曰、吾一日未死、寧不有事于祖考、起奠、獻如儀、既徹而文、漢書虞翻、孝養祖母、舉順孫、為朝歌長、有治聲、遷武都太守、破羌有

功、官至尚書僕射、晉書劉殷性至孝、曾祖母王氏、盛冬思葷食、殷方九歲、往澤中慟哭、董忽生得解餘、又嘗夢神謂西籬下有粟、掘之果得十五鍾、後生七子、各授一經七業俱興、晉

書、李密父早亡母、更適人、鞠于祖母劉氏、武帝徵爲、太子洗馬、密上表陳情、乞賜歸養、有云、臣無祖母。無以至今日、祖母無臣。無以終餘年。母孫二人。更相爲命。是以區區不能廢遠。

帝覽表嘆曰、密不吝有此名、下詔褒之、賜奴婢二人、郡縣時給精膳、

子孫後裔、恐失字育、斷親嗣

脉

(吳)李肇國史補、元魯山自乳哺兄子數日、兩乳滯流、兄子能食其乳乃止、後漢書、第五倫傳、或問倫曰、公有私乎、對曰、吾兄子嘗病、一夜十往、退而安寢、吾子有疾、雖

不省視、而竟夕不眠、若是者、豈可謂無私乎、晉王充婦、郭氏、生子三歲、見充喜笑、充就撫之、郭謂充私乳母、即鞭殺之、子繼而死、後又生男、充以手摩兒頭、郭又殺乳母、兒又思慕、

死、充遂

恐失教訓、敗親家規

(吳)韓非子、曾子之妻之市、其子啼之而泣、其母曰、汝還、顧反爲汝殺彘、適市來、曾子

捕彘殺之、妻止之曰、特與嬰兒戲耳、曾子曰、嬰兒非與時也、嬰兒非有知也、待父母而學者也、聽父母之教、今子斷之、是教子斷也、父斷子、而不信其母、非所以成教也、遂烹彘焉、劉向

列女傳、孟母舍近墓、孟子之少也、嬉游爲墓間事、母曰、此非所以居處子也、乃去、舍市傍、其嬉游爲買人街賣之事、又曰、此非所以居處子也、復徙舍學宮之傍、其嬉游乃設俎豆揖讓、進

退、乃曰、此真可以居吾子矣、遂居之、孟子既學而歸、孟母方績、問曰、學何至矣、孟子曰、自若也、母以刀斷其織、曰、子之廢學、若吾斷斯織也、孟子懼、旦夕勸學、遂成名儒、世說、

謝公大人教兒問太傅、那得初不見君教兒、答曰、我常自教兒、唐書柳公綽傳、子仲鄂、字喻蒙、母韓、卽皇女也、善教子、故仲鄂幼嗜學、嘗和熊膽丸、使夜明曠以助勸、長工文、著尙書二

十四司箴、為韓愈齊賞、宋史陳崇傳為江州長史、為家法戒子孫、擇羣從掌其事、建書堂教誨之、僖宗時、嘗詔旌其門、南唐又為立義莊、免其徭役、崇子衰、衰子昉、三家十三世同居、長幼七百日、不畜僕妾、上下淵睦、人無間言、陳繼儒福壽全書、沈自玉曰、身體、有父兄防閑、是真福。過失、有父兄規責、是真安。行事、有父兄撐持、是真仙。事業、有父兄指引、是真路。又曰、弟子、若識名節之隄防、詩書之滋味、稼穡之艱難、可謂賢子弟矣、方希曰、教子孫學吃虧、謙恭、遜讓、定是昌盛根基、教子孫討便宜、刻薄成家、必作災殃根本、子姪

世系、恐失敦睦、貽親庭釁、

（吳）晉書謝元傳、元少常佩紫羅香囊、叔安惡之、而不欲傷其意、因戲賭得、乃焚

之、劉義慶世說、謝虎子嘗上屋熏鼠、胡兒既無由知是父、聞人道癡人有為此者、兒屢以為戲笑之、太傅因其言次語之曰、世人以此謗中郎、亦言我共作此、胡兒懊熱一月、日閉齋不

出、太傅虛託、引己之過、以相開悟、可謂德教、華歆遇子弟甚整、雖閨室之內、嚴若朝典、陳元方兄弟恣柔愛之道、而二門之裏、兩不失雍熙之軌焉、晉中興書曰、汜毓字稚川、北海廬人、

家世敦睦、客居青州、逮毓七世、我夫我婦、子媳之職、恐失和敬、

致親不安、

（吳）後漢書曹世叔妻傳、陰陽殊性、男女異行、陽以剛為德、陰以柔為用、男以強為貴、女以弱為美、故鄙諺有云、生男如狼、猶恐其尪、生女如鼠、

猶恐其虎、然則修身莫若敬、避強莫若順、故曰敬順之道、婦之大禮也、夫它敬非持久之謂也、夫順非它、寬裕之謂也、持久者、知止足也、寬裕者、尚恭下也、夫婦之好、終身不離

房室周旋、遂生媒孽、媒孽既生、語言過矣、語言既過、縱恣必作、縱恣既作、則悔夫之心生矣、此由于不知止足者也、夫事有曲直、言有是非、直者、不能不爭、曲者不能不認、訟爭既施、則忿怒之事矣、此由于不尙恭下者也、侮夫不節、讎訶隨之、忿怒不止、楚撻從之、夫爲夫婦者、義以和親、恩以好合、楚撻既行、何義之存、讎訶既宣、何恩之有、恩義俱廢、夫婦離矣、人謂徐積、性至孝、其父早卒、事其母、朝夕之間、未嘗暫離、及應舉入都、載母與俱、登第、年已過壯、未娶或問之曰、娶非其人、必爲母患、固有待也、奈何以室家而離親哉、

我有

姻婭、屬親至戚、恐失夙好、致親不寧、

(邱)至親同氣、一體之、纔是真體、

(吳)劉向說苑、晏平仲敝車羸馬以朝田桓、子以爲隱君之賜、晏子曰、自臣之貴、父族無不乘車者、母族無不足衣食者、妻族無凍餒者、齊國之士待臣舉火者三百餘人、此爲隱君之賜乎、

彰君之上而有君、爲親所主、恐有不忠、致親以逆、(吳)戰國

策王孫賈年十五事閔王、王出走、失王之處、其母曰、女朝出而晚來、則吾倚門而望、女暮出而不還、則吾倚閭而望、今事王、王出走、女不知其處、女尙何歸、王闢之灑水燕談、陳堯咨善

射、及守荊州回、母馮夫人問曰、汝爲郡有何異政堯咨曰、每以弓矢爲樂、母曰、汝父教汝以忠孝輔國家、汝今不務行仁化而專務一夫之勇、豈汝父志耶、杖之碎其金魚、舊唐書鄭餘慶傳

子瀚爲右補闕、獻疏切直、人爲危之及餘慶入朝、下而民物、與親並育、恐

憲宗謂餘慶曰、卿之令子朕之直臣可更相賀、

有不恤、損親之福

(吳)舊唐書崔元暉、其母盧氏、嘗誡之曰、吾見姨兄屯田、

消息、若聞貨貨充足、衣馬輕肥、此是惡消息、吾嘗重此言、以為確論、比見親表中仕宦者、多將錢物上其父母、父母但知喜悅、竟不問此物從何而來、必是祿俸餘貲、誠亦善事、如其非理

所得、此與盜賊何別、縱無大斧、獨不內愧于心、孟母不受魚鮮之饋、蓋為此也、今汝坐食祿俸、榮幸已多、若其不能忠信、何以戴天履地、孔子云、雖日殺三牲之養、猶為不孝、又曰、父母惟其

疾之憂、特宜脩身潔己、勿乘吾此意也、元陸遵、奉母氏教訓、以清諱見稱、**外而友朋、為親之輔、恐有不**

信、絕親友道

(吳)後漢書、范式、字巨卿、山陽金鄉人也、一名汜、少游太學、為諸生、與汝南張劭為友、劭字元伯、二人并告歸鄉里、謂元伯曰、後二

年當還、將過拜儉親、見孺子焉、乃共尅期日、後期方至、元伯具以白母、請設饌以候之、母曰、二年之別、千里結言、爾何相信之審耶、對曰、巨卿信士、必不乖違、母曰、若然、當為爾醞酒、

至其日、巨卿果到、升堂拜飲、盡歡而別、後漢書朱暉、張堪同是南陽宛人、張于太學見文季、甚重之、把臂語曰、欲以妻子託朱生、文季不敢對、張亡後、文季聞其妻子貧困、自往候視、厚

賑贖之、文季于顯問曰、大人不與堪為友、何忽、**師為我法、即為親箴、事**如此、文季曰、堪常有知己之言、吾以信于心也、

恐失賢、以違親訓

(吳)宋史岳飛傳、岳忠武生而有力、未冠能引弓三百斤、弩八百石、學射于周同、能左右射、同死、朔望必帶衣其酒

肉、詣同塚、奠而泣、引同所贈弓、發三矢、乃酬、父知而義之、**匪人僉人、親之所遠、交恐不擇、**

以累親志、(邱)此言非親同氣而亦體之、體之至也、(吳)人譚王陽明先生、客座、私囑曰、但願温恭直諒之友、來此講學論道、示以孝友謙和之行、德業相

勸、過失相規、以教訓我子弟、使勿陷於匪僻、不願狂躁惰慢之徒、來此博奕飲酒、長傲飾非、導以驕奢淫蕩之事、誘以貪財黷貨之謀、冥頑無恥、煽惑鼓動、以益我子弟之不肖、嗚呼、由前

之說、是為良士、由後之說、是為凶人、我子弟苟遠良士而近凶人、是為逆子、戒之戒之、**仰而天高、**帝位乎上、

日月星斗、親所敬畏、恐有冒瀆、妄干天怒、致重

親辜、俯而地厚、羣生資始、親所奉履、恐有褻侮、

業積暴殄、致延親禍、中而神祇、司我親命、恐有

過犯、致減親紀、(邱)目親而天地、而神人、曲為體之、方是體之極處也、**一舉一動、總期歸**

善、以成親德、我親有善、身順其美、救人之難、即

此處又從
體字化出
歸善成德
意

是親救濟人之急，即是親濟。

(吳) 范文正公、遣子、堯夫、到姑蘇搬麥五百斛、次丹陽、見石曼卿、曼卿曰

三喪在淺土、欲葬而北歸、無可與謀者、堯夫以麥舟付之、單騎到家、文正公曰、東吳見故憫舊乎、曰、曼卿、為三喪未舉、留滯丹陽、文正曰、何不以麥舟付之、堯夫曰、付之矣、公喜、憫

人之孤，即是親憫，容人之過，即是親容。

(吳) 范中宣公戒子弟曰、人雖至

愚、責人則明、雖有聰明、恕己則昏、但常有責人之心、責己、恕己之道、恕人、不忠、不到聖賢地位也。

種種不一、體親至意。

親或有過，委曲進諫，俟其必改。

(吳) 內則曰、父母有過、下氣怡色、柔聲以諫、諫若不入、起敬起

孝、說則復諫、不說與其得罪於鄉黨州閭、寧熟諫、父母怒不說、而撻之流血、不敢疾怨起敬起孝、曾子曰、父母愛之、喜而弗忘、父母惡之、懼而無怨、父母有過、諫而不道、朱子曰、諫而

不逆謂委曲作道理以諫、不唐突以觸父母之怒、子曰事父母幾諫、見志不從、又敬不違、勞而不怨、語類曰、此聖人教天下之為人子者、不惟平時有愉危婉容、雖遇諫過之時、亦當如此

至勞而不怨、乃是深愛其親也、又云、又敬不違者、上不違微諫之意、切恐唐突以觸父母之怒、下不違欲諫之心、務欲置父母於無過之地、其心心念念只在於此、若見父母之不從、恐觸其怒、

遂止而不諫者、非也、欲必諫、遂至觸其怒、亦非也、以善規親，猶存以養，養必兼善，方

以上是順
此之善此
定論親於
起

順親之美
諭親於道
皆歸善成
德事也必
成德方為
至孝一結

此言當生
則盡養

得為子

(吳)宋史尹燿傳、燿少師事程頤、嘗應舉發策有振元勝、諸臣議不對而出告頤曰、燿不復應進士舉矣、頤曰、子有母在、燿告其母、母曰、吾知以善養、不知

汝以祿養、頤聞之曰賢哉母也、

人各有親、何不懷思、父母在日、壽不過

百、惟德之長、垂裕靡涯、是以至孝

(吳)古舉策、纂呂涇曰、夫壽親有三道焉、得其上

者之謂聖、得其中者、之謂賢、得其下者之謂才、或曰、何謂也、曰、壽其德、萬世有辭、金石同其堅、日月齊其明、非聖而能之乎、壽其齒者、順厥考心、身甚康健、年越其度、非賢而能之乎、

壽其業者、箕裘不壞、畏他人有、非才而能之乎、故聖也者、盡性者也、賢也者、情者也、才也者、盡力者也、親在一日、得養一日

堂上皆存、膝下完聚、人生最樂、惜此光陰、誠不

易得

(吳)揚子、事父母、自知不足者、其舜乎、不可得而久者、事親之謂也、孝子愛日、高士傳、老萊子孝養親、年七十父母猶存、身著五色班爛衣、為嬰兒戲於親前、取水

上堂、詐跌仆地、為兒啼、欲親之喜、人譜、趙居先父年九十一歲、母年九十四歲、性皆嚴急、居先夫妻侍奉勤謹、孝行克諧、每日焚香、為父母祈禱百計、如樂、暮景而後已、玉

食三穀、勺水一菽、各盡其歡、加餐則喜、減膳則

此言當則
病盡心

懼、貧富與否、敬無二心、願親常安、恐體失和、疾

病休戚、常係子心、(吳)言行錄、李支承、遊太學、永城人也、父以中風痿痺、支承罷業侍左右、人曰、加荒汝業何、支承曰、人所重者行

誼耳、若父病不侍而徒學、不知所學之謂何、古者不以三公易一日之養、但使吾父無恙、願布衣終其身、父喪、哀毀骨立、以孝聞、一當有恙、能不

滋虞、藥必先嘗、(吳)許悼公、疾瘧飲藥毒而死、太子止自責不嘗藥、不立其位、與其弟緯專、泣咽節、粥隘不容粒、痛已之不嘗藥、未逾年而

死、故春秋義之、史記袁盎傳、盎日陛下居代時、太后嘗病三年、陛下不交睫、不解衣、湯藥非陛下日所嘗弗進、夫曾參以布衣猶難之、今陛下親以王者修之、過曾參遠矣、衣

不解帶、(吳)文王世子、文王有疾、武王不說冠帶而養、服勞侍寢、(吳)漢書黃香傳、江夏人、事親至孝、夏月扇枕席、冬則以身

溫被、晉書、吳猛夏日常手不驅蚊、懼其去已而噬親也、愈則徐調、食不輕進、相其所宜、

(吳)呂叔簡四禮翼曰、夫病、生死之岐也、善調攝之、可使還平、即不幸可使免悔、故人子侍疾自親之外、即有重大退切之事、皆不暇皮、禮云、笑不至矧噫、是何心也、而能笑乎哉、又曰、侍

疾之時何時也、萬般子道從此更無盡時、兩膝親身、從此更無見日、與其必誠必慎千蓋棺、孰若竭心竭力于臥榻、噫、有根心之愛者、自有不容已之情、有不容已之情者、自有不待勉之事作

而致其情者、則必
愈必疎其能久乎、**倘或未痊、延醫詢卜、酒不沾唇、至心禱**

祝、殫厥念力、以求必痊、(吳)呂叔簡四禮翼曰、病在膏肓(望之而走、扁鵲之道、當如是也、若屬續頃刻、萬無一生、偶

得良方、猶然忙走灌藥、孝子慈孫之道、常如是也、宋史哲宗紀、神宗服藥、手寫佛書、為帝祈福、所書字極端謹、人謂任盡言事母至孝道老多疾、未嘗離左右、母思得疾之由、或以飲食、

或以燥濕、或以言語稍多、或以憂喜稍過、於是朝暮候視、無髮不盡、五臟六腑中事、皆洞見曲折、不待切脈而後知、故用藥必效、張魏公欲辟之、力辭曰、盡言假使得一神丹、可以長生、

必持以遺母、不以獻公也、况能舍母而與公軍事耶、蔡齊喜酒、通判濟州時、曰飲醇耐往往至醉、時太夫人年高、頗憂之、賈存道為公示以酒曰、聖君恩重龍頭選、終母年高鶴髮垂、君寵

母恩俱未報、酒如成病悔何追、公豐然起謝之、自是非堪客不對酒、終身未嘗致醉、夫酒以成禮、本不可多飲、况親有病、尙忍貪杯乎、**終天之**

日、飲食不甘、哭泣失音、(吳)北史崔子終五歲喪父、不肯食肉、後喪母、居喪哀毀骨立、人云崔九作孝、風吹即倒、劉

義慶世說、晉王戎和嶠同遭大喪、俱以孝稱、王雞骨支狀、和哭泣備禮、武帝謂劉仲雄曰、卿數省王和、不聞和哀毀過禮、使人憂之、仲雄曰、和嶠雖備禮、神氣不損、王戎雖不備禮、而哀毀骨

立、臣以和嶠生孝、王戎死孝、陛下不應憂嶠而應憂戎、胡敬齋執親喪、水漿不入口、毀每夕方蘇、久則柴毀骨立、非杖不能起、三年不入寢室、**衣衾棺槨、**

此言當喪則盡哀

多方自盡、三年哀痛、晨昏設薦、

(吳)日纂三集、孫惟忠父葬、結廬其側、苦塊曠野中、深夜月冷、

哭聲依依、隨悲風遠聞、人為泣下、曰、聚薄糜二盂、晨起掬雪盥面已、輒詣墓前拜、久之手足皸痂、形容憔悴、或勸其返、哭不對事、聞縣令、夜半攜二蒼頭往廉之、見孝子蕭然塊處風雪中、歎

息而去、劉義慶世說、王修字叔治、母以社日亡、來年社日、修哀感悲號、鄰人為之罷社、人譜、邱鐸葬母鳳鳴山原、哭曰、鐸生也、咫尺不離吾母膝下、今逝矣、可委體魄于無人之墟乎、

乃結廬墓側、朝夕上食如生時、常寒夜月黑、悲風蕭颯、鐸恐母岑寂也、輒巡墓號曰、鐸在斯其地多虎、聞鐸哭聲即避去、會稽人異之、稱為真孝子、佳塋厚穴、

安置龍邱、禮送歸祠、親魂有托、廟享墓祭、四時

以安、

(吳)呂叔簡四禮翼曰、古者墓而不墳、示無見也、無見者保萬年之體魄、中古三尺、後世崇之、以爵為尺、示有見也、有見者觸千載之心目、晚近世以屋以樹、俾作神依

總之如生如存之義、致愛致懇之心、顧子孫之孝思何如耳、忘本原者、薪冢木、鬻墓石、封上皆牛羊之跡、希福利者、發深藏、暴枯骨、柩中無安定之身、或瘞父母于兩地、夫妻永世仳離、或

委骨肉于異鄉、子孫不復展省、於心安乎、甚矣葬師之誤人也、去親日遠、追思常在、
(吳)魏志武宣十皇后傳、太后每隨軍征行、

見高年白首、輒住車呼問、賜與綈帛、對之、泣曰、恨父母不及我時也、
形容面目、若聞若睹、動息語

此言當葬則盡禮此言當祭則盡誠

至此又一結體之親

心二句回應章首不惟文法之妙直令讀者問心愧死此一段言親年無幾當及時行孝咏嘆長言書舍血源能體親如此徵至

默、尋聲覓跡、中心勿忘、抱慕如存、生死同情、幽

明一理、(邱)不以生死幽明、喪厥孩提天性、總為體親、(吳)米書張敷傳、生母亡、數歲間之、雖童蒙便有慕感之色、至十歲許、求母遺物、而散施已盡、惟得一書扇

乃緘錄之、每至感思、輒開筭流涕、世說宋百年家貧、母以冬月亡、衣並無絮、百年自此不衣絮帛、嘗寒時就孔思遠宿、衣悉襖布飲酒醉眠、思遠以臥具覆之、百年初不知、既覺引去謂思

遠曰、綿定奇溫、因流涕悲慟、思遠亦為感泣、後漢書光烈陰皇后紀、顯宗十七年正月、夢先帝太后如生平歡、既寤悲不能寤、明旦上陵帝從席前伏御牀、視太后寢奩中物、感動悲涕、令

易脂澤妝具、左右皆泣、莫能仰視、唐書高祖太穆皇后竇氏傳、太宗卽位、過慶善宮覽觀隄歎顧侍臣曰、朕生於此、今母后永遠、育我之德不可報、因號慟、左右皆流涕、孝

道由基、大經斯彰、嗟爾人子、縱能如是、體之親

心、未及萬一、(邱)見得竭極深恩、不可不體、危言以儆非難之也、子在懷抱、啼笑嬉戲

俱關親心、實為真摯、為人子者、能如是否、試一

念之、何能暫釋、父母強健、能嬉能笑、能飲能食、

子所幸見、父母漸衰、嬉笑飲食、未必如常、子心
所惕、責我不楚、憐親力弱、嗔我聲嚮、憐親氣怯、

(吳)說苑伯俞有過、其母笞之泣、其母曰、他日爲子、未嘗見泣、今泣何也、對曰、他日俞得罪、笞常痛、今母之力不能痛、是以泣、故曰、父母怒之、不作于意、不見于色、深受其罪、使可哀憐

上也、不作於意、不見于色、其次也、父母怒之、作于色、見于意下也、曾子芸瓜而誤勸其根、曾皙怒、援大杖繫之、曾子仆地、有頃蘇、蹶然而起進曰、曩者參得罪於大人、大人川力教參、

得無疾乎、退屏鼓琴而歌、欲令曾皙聽其歌聲、令知其平也、孔子聞之、告門人曰、參來勿內也、曾子曰以無罪、使人謝孔子、孔子曰、吾聞警腹有子、名曰舜舜之事父也、索而使之、未嘗不

在側求而殺之、未嘗可得、小罪則待、大罪則走、以逃暴怒也、今子委身以待暴怒、立體而不去、殺身以陷我不義不孝孰是大乎、汝非天子之民耶、殺天子之民、罪奚如以、曾子之材、又居孔

子之門、有罪不自知處義難乎、愈加安養、勿致暫勞、父母謝世、苦無嬉

笑、及我顏色、苦無怒詈、及我身受、縱有厚祿、親

不能食、縱有錦帛、親不能衣、生不盡歡、追思何

二語誰非
人子誰無
父母間此
午夜鐘聲
有不鼻碎
心醉者乎

枯教字開
下教孝章
之本

及(吳)說苑子路曰負重道遠者不擇地而休家貧親老者不擇祿而仕昔者山事二親之時嘗食藜藿之食而為親負米百里之外親沒之後南游於楚從車百乘積粟萬鍾

累茵而坐列鼎而食願食藜藿為親負米之時不可得也枯魚銜索幾何不蠶二親之壽忽如過隙草本欲長霜露不使賢者欲養二親不待故曰家貧親老不擇祿而仕也漢書毛

義以孝行稱府檄至以義守安陽令義奉檄而喜動顏色張奉薄之後義母亡遂不仕奉歎曰往日之喜乃為親屈也逝者念子存者

念親祭享悠遠隔不相見思一慰之悲哀無地

言念斯苦實難為子

(邱)氏曰此章言親心當體不是離親心另有體處且將父母愛子之心還之父母以此而推上而天地下而民物近而奉事遠而追念方是體之盡頭處

辨孝章第二(邱)辨者恐人誤認外貌不知心上難以假飾故要辨孝

帝君曰吾今闡教以示大衆親存不養(吳)呂叔簡四禮記曰人子之

道莫大於事生百年有限之親一去不回之日得盡一時心即免一時悔矣祭之義曰追養繼孝生不養也死而追之生而孝也死而繼之何益古人云祭之厚不如養之蒲也諺云

與其死後祭我之頭，不如生前祭我之喉，痛哉斯言，豈可令人子問之，又曰貧賤之家子，養親，富貴之家親養子，親養子，則終身不知子道矣，悲夫。

親歿不

葬

（吳）人譚跋山先生曰，古者葬禮，大夫三月，士踰月，故不葬，則不變服易食，哀親之未有歸也，今人惑于風水之說，有貪求吉地，遷延日久者，有既葬多疑，屢行啓掘者，不

思古人吉地之義，惟是孝子慈孫，重親遺體，不為風水所侵，不為蟲蟻所蝕，不為耕犁所及，他日不為道路，不為城郭溝池，如是已矣，豈以親之骸骨，為子孫福利之具哉，則風水不必貪也，

又有惑于分房之說，兄弟猜嫌，終年牽制，既擇年月日時，又疑山水偏向，則是父母多生一子，反增一日之暴露矣，豈知人之禍福，各於因緣，於山水何與，則分房不必執也，倘若執迷不

悟，一遭利名牽逐，淹滯他鄉，年復一年，幾無安土之望，或遭水火，又有焚溺之虞，為人子者，獨能恬然於心乎，又權厝一事，萬不可久，久則雨水浸淋，日氣下蒸，未及歸土，木已朽矣，仁

人孝子，常何以為心也，宋書何子平傳，以母喪去官，哀毀踰禮，屬東土饑荒，繼以師旅，八年不得營葬，晝夜號哭，常如相括之日，冬不衣絮，暑不就涼，一日以數合米為粥，不進鹽菜，

所居屋敗，不蔽風日，兄子欲為葺理，子平不許，曰，我天親祚不延，（吳）孟子曰，不地間一罪人耳，屋何以覆，太守聞而矜之，為營塚壙，

大、趙氏，於禮有不孝者三事，謂阿意曲從，陷親不義，一也，家貧親老，不為祿仕，二也不娶無子，絕先祖祀，三也，三者之中，無後為大，

無故殺兒

（吳）晉書鄧攸遇賊，步走擔其兒，及弟之子，度不能兩全，謂妻其曰，吾弟惟一子，理不可絕，當棄我兒，後當有子，妻泣從之，其子朝棄暮及，攸繫

無故溺女

（吳）孝有三，無後為

不孝之串
無庸辨者
也

為世俗人
辨孝

於樹而去、後妻不復孕、語曰、天道無知、使鄧伯道無兒、走曰、絕子奔走、豈慈父之用心也、絕嗣宜哉、晉郭巨家貧、竭力養母、子少母愛憐之、每供食、兒必得以分甘旨、巨惡謀之諸婦、

計相與埋兒、掘地得金、金有字云、天賜郭巨以養其母、人不得爭、官不得取、兒因不得埋、說者曰、此純孝之報也、雖然巨誠孝矣、夫以愛母而殺其子、獨不計異日、傷親之心乎、亦可謂孝

而愚者矣、**父母客亡、骸骨不收、為大不孝、**(吳)晉書荀崧傳、王彌入洛、崧與百官奔於密、朱

至母亡、賊追將及、同旅散走、崧被髮從車、守喪號泣、賊至棄其母尸於地、奪車去、崧被四創氣絕、至夜方蘇、葬母于密山、齊書樂頤傳、鄧人少日父亡郭中、即號泣徒步而往、負歸塋葬

、嘗得疾、忍而不言、嚙被至碎、恐母聞之也、吏部郎虔果之造訪、頤設具、惟菜菹而已、果之不能食、母出其膳、果之曰、卿過於子季偉、願我非郭林宗、**養親日**

體、未足為孝、養親心至、方為至孝、(吳)孟子曰、曾子養曾皙、必有酒肉將徹、必請所與

問有餘、必曰有、曾皙死、曾元養曾子、必有酒肉將徹、不請所與問有餘、曰亡矣、將以復進也、此所謂養日體者也、若曾子則可謂養志也、橫渠先生曰、親之故舊、所喜者、雖極力招致、以

悅其心、凡與父母賓客之奉、必極力營辦亦不計家之有無、然為養又須使不知其勉强勞苦、尚使見其為而不易、則亦不安矣、**生不能養、歿雖**

盡孝、未足為孝、生既能養、沒亦盡孝、方為至孝、

為處變者
辨孝

邱頻點未足為孝、乃是教孝藥石、
兩提方為至孝、乃是辨孝源頭、
生我之母、我固當孝、後母庶母、

我亦當孝、（吳）晉書、王祥字休徵、瑯琊臨沂人、祥事後母朱夫人甚謹、常在別牀眠、
母自往暗斫之、值祥私起空斫得被、方盛寒冰凍、母欲生魚、祥解衣將剖

冰求之、會有冰解處、魚自出焉、又欲黃雀炙、祥念難卒致、須臾有黃雀數十、飛入其幕、母之
所須、必自奔走、無不得者、庭中有李始生子、母使晝視烏雀、夜驅鼠、一夜風水大至、祥抱泣

至曉母因見之不覺惻然、虞預晉書曰、祥以後母故陵遲不仕、年向六十、刺史李虔徵為別駕
時人歌之曰、海沂之康、寔賴王祥、邦國不空、別駕之功、累遷大保、陳書、蔡徵繼母劉氏、

性悍忌視之不以道、微供視益謹、初無怨色、欲木名覽、景歷以為有王祥之性、更名徵、字希祥
家語閔損魯人、性至孝、父娶後妻、惟愛己所生之二子獨苦損、衣以蘆花絮、一日損為父

御車、體寒失朝父得其故、欲去後妻、損因啓曰、母在一子寒、母去三子單、父乃止、母因感悟、
遂以終慈、唐書以柳公綽天性仁孝丁母喪、三年不沐浴、事後母薛甚謹、其有外、婚姻者、一不

知非薛所生也、在公卿間、最有家法、顏氏家訓、吉甫賢父也、伯奇孝子也、賢父御孝子、合得
終於天性、而後妻間之、伯奇遂放、曾參婦死、謂其子曰、吾不及吉甫汝不及伯奇、王駿喪妻、

亦謂人曰、吾不及曾參、子如不華
母或遇黜、（吳）宋書、李諤有至性、父克提出其母
元、並終身不娶、此等足以為誠、日夜號泣飲食不入、日父憐之、而還

其母、舉進士、真宗見其名曰、是能安其親者、擢第二、除大理寺評事、屢官戶部侍郎、世說晉
郭淮作關中都督、甚得民情、亦屢有戰庸、淮妻、太尉王凌之妹、坐凌事當并誅、督將及羌胡渠

率數千人叩頭、請淮上表留妻、淮不從、妻士道莫不流涕、人人扼腕、欲劫留之、淮五子叩頭、流血請淮、淮不忍視、乃命追之、於是數千騎追還、而以書白司馬宣王曰、五子哀母、不惜其身、若無其母、是無五子、五子若亡、亦無淮也、今輒追還、母或再嫁、(吳)檀弓、伯魚之母死、期而猶哭、

夫子聞之曰、誰與哭者、門人曰、鯉也、**生我勞苦、亦不可負、生而孤**、夫子曰、嘻其甚也、伯魚聞之、遂除之、

哀、恩育父母、且不可忘、何況生我、(邱)此處着何況二字、所以重生母、然孝之至純、

非有差等也、(吳)晉書、鄒噤傳初噤、值永嘉喪亂、在鄉閭甚窮餒、鄉人以噤名德傳共飭之、時兄子邁、外甥周翼、並小常攜之就食、鄉人曰、各自饑困、以賢君欲其相濟耳、恐不能兼有所存、噤於是獨往、食訖以飯著兩頰邊、還吐與二兒、後並得存同過江、邁位至將軍、翼爲剡縣令、噤之薨也、翼追撫育之恩、解職而歸、席苦心喪三年、日纂三集、畢構性至孝、初丁繼親憂、

其蕭氏盧氏兩妹、皆在繼祿親乳之、乳爲之出、及其亡也、二妹皆慟哭絕者久之、言曰、雖兄弟、無三年之禮、吾荷鞠育豈同常人、遂三年服、朝野之人、莫不涕泗、**同母**

兄弟、我固當愛、前母弟兄、我亦當愛、(吳)後漢書、薛包好學篤行、父娶繼母、

憎包逐出包不得已、廬舍外且入灑掃、父母又逐之、又廬里門晨昏問安、歲餘、父母感悟、命還及父母亡、哀痛成疾諸弟求異居、包不能止、任弟所欲、奴婢引其老弱者曰、與我共事久、若

此言脩之家者皆自不和

不特皆於
孝有虧也
和持二條
兼婦人說

不能使也、器物取其朽敗者、曰吾素所服習、身口所安也、田廬取其荒頓者、曰吾少時所治、意所戀也、後諸弟不能自立、包復賑給之、吳均續齊書記、京兆田真兄弟三人、共議分財、生贊

皆平均、惟堂前一株荆樹、共議欲被三片、明日就截之、樹即枯死、真往見大驚謂諸弟曰、樹木同株、聞將分斫、所以傾頽是人不如木也、因悲不自勝、不復解樹、樹其聲榮茂、兄弟相感合財

寶、遂為孝門、晉王微傳、王祥孝事繼母、人所知也、祥弟覽、即繼母所生、勞苦與祥俱、母以酒毒祥、覽先取飲之、母驚覆酒、覽娶婦亦與祥、婦均服役、卒能調和、母子如一、人知祥之孝、

而不知覽之梯、乃所以為孝也、口虔有劍、相其文佩者至三公、以奉祥、曰非君莫可當者、祥薨、解以與覽、後九世公卿、噫使覽而阿親意、則象耳可為孝子乎、**同氣**

姊妹、我固當和、連枝如媪、我亦當和、
(吳)晉書、王渾妻鍾氏傳、渾弟湛妻郝氏

、亦有德行、鍾雖貴門、與郝雅相親重、郝不以賤下鍾、鍾不以貴凌郝、時人稱鍾夫人之禮、郝夫人之法云、陳繼儒福壽全書、張氏二難者、孟仁妻鄭妙安、仲義妻徐妙圓也、徐富而鄭貧

皆敦義睦、貧者不諂、富者不驕、恒於一室紡績、尺帛寸絲、不入私房、徐父家時有所饋、必納於姑、所用則請而取之、不問孰為己物也、鄭歸寧、徐乳其子、徐歸寧、鄭乳其子、不問孰為己子

、雖諸兒亦不知其孰為己母也、家畜一貓、一犬、貓為人所竊、**我生之子、我固**
犬取貓子乳之、人以為和氣所感、太平間、表其門為二難

當恃、前室遺子、我益當恃、
(吳)後漢書、陳文姬妻傳、漢中陳文姬妻者、同郡李法之姊也、字穆姜、有二男、而

二句通篇
之骨此下
推廣言之
見人道有
虧即爲不
孝

前妻四子、文矩爲安衆令、喪於官、四子以母非所生、憎毀日積、而穆姜慈愛温仁、撫字益隆、衣食資供、皆兼倍所生、或謂母曰、四子不孝甚矣、何不別居以遠之、對曰、吾方以義相導、使其自遷善也、及前妻長子、與遇疾困篤、母惻隱自然、親調藥膳、恩情篤密、與疾久乃瘳、於是呼三弟謂曰、繼母慈仁、出自天愛、吾兄弟不識恩養、禽獸其心、雖母道益隆、我曹過惡、亦已

深矣、遂將三弟、請南鄭獄陳母之德、狀已之過、乞就刑辟、縣言之於郡、郡守有異其母、獨除家徭、遣散四子、許以修葺、自後訓導愈明、并爲良士、福壽全書、秦母柴氏、秦閭夫繼室也、生

一子、與前妻一子俱幼、聞夫病且死、以前妻子囑之、氏鞠育無異心、辛勤紡績、遣二子就學、至正中、有惡少殺張福家屬者、福訴於官、連氏長子、法當誅、氏引次子詣官泣訴曰、殺人者吾

次子、非長子也、次子曰、吾之罪、可加於兄乎、鞠之、至死不易辭、官反疑次子非氏所出、訊之他凶、始得其情、官義柴氏之行、歎曰、妻割愛以從夫言、子趨死以從母志、此天理人情之至也

、遂併二子俱釋之、有司上其事、旌其門、而復其家、**衆善家脩、無不孝推、**(邱)愛也、和也、恃也、

孝出**如是盡孝、始克爲孝、**(邱)上文逐節推講、卻逐節聯絡**來、**孝字、要知于孝有虧、方思全孝、**始知百**

行、惟孝爲源、我孝父母、不敬叔伯、不敬祖曾、於

孝有虧、(吳)唐書、柳仲郢、公綽子、端嚴好禮起居一遵父教、事叔公權、如事父非甚病見公權未常不束帶、出遇於路、必下馬端笏立、候過乃敢上、公權暮歸、必束

帶迎馬前、公權屢辭、仲鄂終不以達官故少改也、

我孝父母、不愛子孫、不敦宗族、於

孝有虧、我孝父母、不和姻婭、不睦鄉黨、於孝有

虧、(吳)唐書、王漸、孝子也、性惇樸、作孝經義五十卷、凡鄉黨有圖訟、漸即詣門、高聲誦孝經義一卷、訟者俱為慙謝、我孝父母、不

忠君上、不信師友、於孝有虧、我孝父母、不愛人

民、不惜物命、於孝有虧、(吳)魏本、傳曰、明帝諱獻以其我母甄氏廢、未立為嗣、文帝與俱獵見子母鹿、文帝射其母、

應弦而倒、復令帝射其子、帝置弓泣曰、陛下已殺其母、臣不忍復殺其子、文帝曰、好語、動人心、遂定為嗣、我孝父母、不敬天

地、不敬三光、不敬神祇、於孝有虧、我孝父母、不

敬聖賢、不遠邪佞、於孝有虧、我孝父母、財色妄

貪、不顧性命、知過不改、見善不為、於孝有虧、淫

人婦女、破人名節、於孝有虧、

(吳)潘仲謀曰、古人有言、喪我、祖父血脈、亂人骨肉宗祧、又曰、淫人

者、殺其三世、蓋不特破一人之節、使其翁姑父母、丈夫子女、恥懸眉頰之間、痛纏心骨之內、家聲敗壞、雖有孝子賢孫、莫能洗滌、以至因羞致死、或夫棄其妻、父殺其女、子不認其母、親戚難施面目、良家莫與聯姻、以俄頃之歡娛、遂造彌天大惡、絕嗣之報、不亦宜乎、至於因姦被殺、棄父母、拋妻子、其慘更不必言矣、

力全名節、於

孝更大、

(吳)節婦傳、有塾師館某氏子家、其母新寡、而年尚艾、師夜讀漏三鼓、聞窗

斷悲返室、次日、師捲帳辭塾去、亦弗泄於其子也、後三十年、師仕為禮官、某氏子亦成進士、謁選邵下、以其母節烈上、師竟格不一進士、再拜請、師終秘不告、但云、此可不必、進士憂惶、不知所出歸、泣告母曰、吾母冰蘖補操、當事者罔弗樂掄揚其事、禮官、吾師乃峻却之、奈何、母曰、無苦、兒再去、必將有以信之、乃密緘封什襲、署記重重付其子、且誠曰、此爾父遺物、以餽禮官、兒不得私發、進士受如命、復之京、謁師、述母言而致之、師屏人發函、乃一乾斷指內題一絕云、三十年來指一彈、嚼餘枯血灌風酸、禮官見此仍還我、生者留當逝者看、師惻然久之、仍封指、付進士卻寄、即疏母節以聞、路被旌、蓋母自彈樵被拒之夜、返室慙憤、嚼斷其指、置重樓簷角、風日炙曝而藏之、失操遂厲、至是出以信師、復歸、將為附身物也、然則一指、以爭全體、一息以爭百位、天地鬼神、實式臨之、世有不敬節婦者、其行走屍肉矣夫、

奉行諸善、不孝我親、終為

縱給上文
見百行惟
孝為源也

小善奉行諸善、能孝我親、是為至善、

(吳)益德篇、黃涪翁曰、看人品要在五

倫上看、這裏是則小過不足責、這裏失則衆長不足錄、聖賢豪傑之分在此、孝友如飲食衣服、却一日不足、便有性命之憂、其他如錦綺珠玉、有之足備觀美、無之亦不甚害、今人事事要好、却

於父子兄弟間、都不加意、譬如樹木、根本已枯、雖剪綵為花能有幾日好看、孝之為道、本乎自然、無俟

孝原天性

勉強、不學而能、隨行而達、

(吳)歷代名儒傳、朱子少時、始授孝經、一闕題其上曰、不若是非人也、晉范宣

別傳、宣字子宣、陳留人、年十歲、能誦詩書、後園挑菜、誤傷指、大啼、人問痛邪、答曰、非為痛身體髮膚、不敢毀傷、是以啼耳、家人以其年幼、皆異之、吳志顧雍傳注、吳書曰、顧悌每得

父書、常灑掃整衣、更設几筵、舒書其上、拜跪讀之、每句應諾畢、復再拜、晉書王裒傳、讀詩至哀哀父母生我劬勞、未嘗不三復流涕、門人受業者、並廢蓼莪之篇、晉書庾袞傳、父亡、作

筥以養母、母見其劬曰、我無所食對曰、母食不甘、袞將何居、母感而安之、吳志陸績傳、績年六歲、於九江見袁術、術出橘、績懷三枚去、拜辭墮地、術謂曰、陸郎作賓客、而懷橘乎、績跪

答曰、欲歸遺母、術大奇之、黃憲天祿、關外史曰、韓王晷而求凍饌、世子以私財作冰室、取美饌而賦之、既凍、乃進於王韓王悅、為之賦懷冰、舊唐書陳叔達傳、嘗賜食於御前、得蒲萄

執而不食、高祖問其故、對曰、臣母惠日乾、求之不能致、欲歸以遺母、高祖矜然流涕曰、卿有母遺乎、因賜物百段、讀書明理、因心率

皆恩皆能
卻能行

此為人示
遵循之法

愛、因心率敬、於孝自全、愚氓愚俗、不雕不琢、無

乖無戾、孝理自在、

(吳)人譜楊乙行、乞養父母、所得食、雖極飢不敢嘗、必先以奉親、有酒則跪進跳躍起舞、唱山歌以悅之、如是者

十年、鄉人感其孝、與之金雇為傭、不受、曰吾烏可一日離親也、父母相繼死、乞得棺、脫已衣歛之、雖嚴寒赤身弗恤、葬於野、即露宿棺旁、日夜哀號、歲時拜獻、未嘗缺失、李步行、賣菜傭也、父嗜酒、步行鬻菜、必市酒歸飲父、又問致時物、體無完衣、而父便身之物嘗給、里中有不孝之子、必曰、何不學李步行、苟具靈根、知

愛率愛、知敬率敬、於孝可推、

(邱)率屢之法、不越乎此、(吳)曾子孝經、天子章第二、子曰愛親者、

不敢惡於人、敬親者、不敢慢於人、註言能愛其親者、又當推廣此愛、使人皆不敢有惡於其父母焉、非敬其親者、又當推廣此敬、使人皆不敢有慢於其父母焉、

孝庭子

容、

(吳)淮南子曰、周公之事、文王也、行無專制、事無由己、身若不勝衣、言若不出口、有奉持於文王、洞洞屬屬如將不勝、如恐失之、可謂能子矣、人譜、崔丐有至性、母失明、

傾家求醫、不脫衣而奉者、三十年、每美景良辰、必扶持宴笑、令母忘其所苦、

孝閨婦儀、

(吳)徐十俊婦德箴、德箴云、為婦之道、在女已見幽閒貞靜、舌人

所羨、柔順溫恭、周旋室中、能和能肅齊家睦族、二南風始、禮治備矣、箴云男唯女俞、禮分內外、長舌厲階、雅言深戒、林下風清、厥惟應對、不踰桐闥、專警士昧、容箴曰、閨房之秀、實惟

容儀、非尚妍華、無俾俗隘、凝妝儼然、可對明鏡、周身雅度、必中以正、豈無膏沐、勿過修飾、豈無衣裳、勿傷輕逸、所貴人重、無取人憐、以此為容、宜家固譽、功箴云、春蠶秋績、纖手勿惜、

縫裳綴綻、兼議酒食、錦繡纂組、害於女功、**孝男端方**、(吳)宋書、何于平為揚州從事、月俸得白米、輒易粟麥以

食、人間之、曰吾父母在東、不得米食、何心獨餐、每有饋鮮者、若難以寄親、則不受高陽許瑤自建安歸、以紉一節遺、不受、瑤曰、今歲大寒、而建安綿好、故以奉尊大人、平乃拜而受之、除

海虞令、俸祿惟養母、不及妻子、人疑其矯平曰、希祿本以養親、非為己也、**孝女貞靜**、(吳)國策趙威后、問齊使者曰、北

至老不嫁、以養父母、是皆率民而出、於孝情者也、胡為至今不朝也、**孝男溫恭**、(吳)宋史、呂原明事正獻公、雖祁寒

曰必冠帶見長者、平居雖天甚熱、在父母長者之側、不得去巾襪、縛袴衣服、出入必告於親、人譜夏暘、嚴冬侍父寢、溫溺器懷中俟用、既死奉主如生存、大小事啓而後行、母久病、親侍湯藥

、不入妻室者三年、雪夜母忽思菹、越城叩市、憚寒無應者、**孝女柔順**、(吳)呂叔

、女子先要慈悲寬大、此是積陰德、福子孫之人、難事之女、性如烈火、慘刻暴戾、小女奴身無完、膚鞭笞常加、飢寒不恤、有不得其死者、天理心亡、惡怒構逞、不但壽命不長、將必子孫乏

絕、故擇婦先善良之家、如此性行、切勿與婚、余謂能孝順於其父母、未有不孝順於其舅姑、故曰、柔者女之德、嘗論男子、懷婦人之仁、則不剛、女子有丈夫之氣、則不柔、二者皆不可、故

易首乾坤、**孝子誠懇**、

(吳)齊書、庾黔婁為辱陵令、到縣未旬、父易在家遘疾、黔婁別剛柔也、忽驚心、舉身流汗、即日棄官歸家、家人驚其忽至、時易疾方

劇、一日醫云欲知差劇、但嘗蠶甜苦、便明、易世利、黔婁輒取嘗之、味轉甜活愈憂苦、每夕稽顙北辰、求以身代、

孝婦明潔、

(吳)後漢書、樂羊子妻傳、

嘗有它舍雞、謬入園中、姑盜殺而食之、妻對雞不餐而泣、姑怪問其故、妻曰自傷居貧、使食有它肉姑竟棄之、魏志文、昭甄皇后傳、十六年太祖征關中、武宣皇后、從留孟津、帝居守鄴、

時武宣皇后、體小不安、后不得定省、憂怖晝夜泣涕、十七年大軍還鄴、后朝武宣皇后、望幄坐、悲喜感動左右、武宣皇后亦泣、謂之曰、新婦謂吾前病、如昔時困耶、吾時小小耳、十餘日即

差、不當視我顏色乎、嗟歎曰、此真孝婦、後漢書、姜詩妻龐氏事姑至孝、姑好飲江水江去舍六七里、龐常沂流汲以供、值風還遲、姑渴甚而恚、詩責妻遣之、龐止旁舍、晝夜紡績、市珍羞、

使鄰母自以其意、遺姑、如是者久之、姑怪問、鄰母具以告、姑漸感合還、恩養愈謹、生一子、因遠汲溺死、龐恐姑哀傷不敢言、託以行學寬之、姑嗜魚鱸、又不能獨食、呼鄰母共食、夫婦力作

供贖後舍側忽湧甘泉、味如江水、每旦輒出雙鯉以供、漢書、孝宣霍皇后傳、初許后於微賤、登至尊日淺、從官車服甚節儉、五日一朝皇太后、於長樂宮、親奉案上食、以婦道供養、唐書

柳此傳、昭國里崔山南隋子孫之盛、仕族罕比、山南曾祖母、長孫夫人、年高無齒、祖母唐夫人、人事姑孝、每旦櫛縱笄、拜墻下升堂乳母、長孫不粒食者數年、一旦病、言無以報吾婦、冀子孫

皆得如婦孝、唐書、鄭義宗妻盧傳、事舅姑恭順、夜有盜持兵劫其家、人皆竄匿、惟姑不能去、盧冒刃立姑側、為賊所捶幾死、賊去、人問何為不懼、答曰、鄰里急難尚相赴、况姑可委棄耶、

若百有一危、我不得獨生、姑曰、歲寒、然後知松柏之後凋、吾乃今見婦之心、常蘊華陽國、志禮脩趙嵩妻、張氏女也、姑酷惡無道、遇之不以禮、修終慍色、及寧父母、父母問之、但引咎

不道、姑卒感悟、更慈愛之、鄉人相訓曰作婦、**孝子開先**、(吳)宋史、趙汝愚、字子直、宋宗臣也、父應善、

字彥遠性純孝、親病、嘗刺血和藥以進、母畏雷、每聞雷則披衣走其所、嘗寒夜遠歸、從者叩門、瀟止之曰、勿恐吾母、露坐達明、門啓而後入家貧諸弟未製衣、不敢製、已製、未服不敢服、一

瓜果之微、必相待其嘗之、母喪哭泣嘔血、毀節骨立、終日俯首楸旁、聞雷猶起側立垂涕、既終喪、言及其親未嘗不揮涕、生朝必哭于廟、父終肺疾、每膳不忍以諸肺為羞、母生歲值卯、謂

卯、鬼神也、終其身不食兔、子崇憲字履常、天性純篤、居父喪月餘始食食、小祥始茹果食、終喪不飲酒食肉、比御猶弗入者久之、能守家法、所至有惠政、亦可謂世濟其美矣、**孝**

孫承後、(吳)晉書、范喬傳、年二歲、祖馨臨終、撫喬首曰、恨不見汝成**孝治一**

身、一身斯立、(吳)章氏、楓山日身也者、親之枝也、親雖不存而吾身存也、**孝**

治一家、一家斯順、(吳)人譜趙清獻公、治家箴、正人先正己、治家如治國、先當重祖宗、慎勿慢親族、竭力孝父母、小心敬伯叔、長

幼必有序、夫妻在和睦、度量放寬洪、見識休局促、莫聽婦人言、兄弟傷骨肉、常存君子心、忠厚待鄉曲、義方訓子孫、寬恕待奴僕、諸物須儉用、凡事要知足、衣食務均平、財用莫私畜、聞

極言其效

門當謹嚴、兒女要拘束、家法能整齊、自然天賜福、李瓊娶妻有子、而移居母室、夜常十餘起、母每諭之曰、汝年來筋力頗德、盡求婢以給侍我、免汝勞苦、瓊曰、凡母之所欲、不親經手、意如有失、其母遂不之強、以是家人、無敢怠惰者、張用聞其至孝、因徙宅卜鄰而居、**孝治一國、一國斯仁、孝治**

天下、天下斯昇、孝事天地、天地斯成、通於上下、

無分貴賤、

(邱)仲尼達孝之意即此、(吳)孝治章、第八、子曰、昔者明王之以孝治天下也、不敢遺小國之臣、而况於公侯伯子男乎、故得萬國之歡心、以事

其先王、治國者、不敢侮於鰥寡、而况於士民乎、故得百姓之歡心、以事其先君、治家者、不敢失於臣妾、而况於妻子乎、故得人之歡心、以事其親、感應章第十六子曰、昔者明王事父孝、故事天明、事母孝、故事地察、長幼順、故上下治、天地明察、神明彰矣、

邱氏曰、辨字不是辨孝不孝、正是辨孝、所當孝、一云未足為孝、一云方為至孝、一云如是盡孝、始克為孝、却句句反正對針真偽判然、

守身章第四。

(邱)守者、守在我身、不可一毫差誤、以全親之所本來、

帝君曰、所謂孝子、欲體親心、當先立身、立身之

體親乃守身之來源

基、貴審其守

(邱)守身為事親之本、守處正是體處、故特提出言之、以下俱言守身之本、(吳)孟子曰、事孰為大、事親為大、守孰為大、守身為

大、不失其身、而能事其親者、吾聞之矣、失其身而能事其親者、吾未之聞也、註守身、持守其身、使不陷於不義也、一失其身、則虧體辱親、雖日用三牲之養、亦不足以為孝矣、說統、守

身內即含下養志意、蓋吾之身、親之身也、戰戰兢兢、惟恐有失、將一身之精神念慮、無息不通於親、故曰、能事其親、開宗明義章第一、夫孝始於事親、忠於事君、終於立身、曹氏正夫

曰、此身從天地來、其形雖小、其理與天地渾合、不能以忠孝立身、非丈夫也、薛氏敬軒曰、吾讀朱文公與子受之書、念之念之、夙夜無忝、所生之言、不勝感發興起、中心惻然、必欲不

為一事之惡、以忝先人、無身之始、身於何始、有身之後、身於何

育、有挾俱來、不可或昧、
(邱)此言、身所從來、自親而有、當思在我、設

處親身、愛子之身、勝於己身、辛勤乳哺、望其萌

芽、冀其成材、寸節肢體、日漸栽培、何一非親、身

自勞苦、得有此身、親愛我身、如是之切、保此親

亦有父母
門以有身
此當猛省

從體親御
到守身語
語真塾沁
人肺腑

三句係守身之大目

身、豈不重大、守此親身、尤當倍篤、

(邱)前言、親既生我此身、此言親不愛護此身、亦

不易至今日、直從痛癢處、參究源頭、

遵規合矩、如前所為、

(邱)言前章、體親心處、正是守處、

矜驕

不形、

(吳)小舉嘉言、第五帶渠先生曰、世學不講、男女從幼、便驕惰壞了、到長益凶狠、只為未嘗為子弟之事、則于其親、已有物我、不肯屈下、病根嘗在、又隨所居而長、

至死亦依舊、為子弟則不能安、灑掃應對、在朋友、則不能下朋友、在官長、則不能下官長、為宰相、則不能下天下之賢、甚則至于徇私意、義理都喪、也只為病根不去、隨所居所接而長、人

須一小事消了病、則養理常勝、

淫佚不生、

(吳)居子節錄曰、子弟生富貴家、十九多驕惰淫佚、大不長進、古人謂之饕餮、言甘食美服、養此血肉之

軀、與犬豕等、此輩闖冗、士君子見之為羞、而彼方且志得意滿、以曰誇人、父母之孽、莫大乎是、若子弟如此、父兄難辭不教之責、謂之孽者、以貧寒家子弟、習勞知艱、決無驕淫之事、是

子弟驕淫、由於父兄之富貴所致、乃責備之辭、推原之論也、噫子弟席、父豐厚之勢、不能振拔有為、為父兄光榮、而使論者、以父兄為孽、於心忍乎、願子弟書此一則、以自警云、**嗜**

欲必節、

(吳)宋史、范忠宣公、平生自奉粗糲、無重衣、不擇滋味、每退食自公、衣服短榻率以為常、子弟有請教者、公曰、惟儉可以助廉、惟恕可以成德、人謂胡

善安在官、未嘗肉食、其子自徽來省、居一月、烹二雞、公怒曰、飲食之人、則人賤之、吾居位二十餘年、嘗以修養為戒、猶恐不能令終、爾好大嚼如此、不為吾累乎、

父母

之前、聲不高厲、氣不粗暴、神色溫靜、舉止安詳、

(吳)子夏問孝、子曰、色難、註蓋孝子之有深勞者、必有和氣、有和氣者、必有愉色、有愉色者、必有婉容、元史仁宗紀、事皇太后、終身不違顏色、余謂不獨父母前、聲不宜高、氣不宜暴、即

平時亦當深戒、按言行錄曰、青天白日、和風霽月、不特人多喜色、即鳥鵲亦有好音、若暴風急雨、鳥亦投林、人亦亦閉戶、乖戾之感至此乎、故君子以和氣為本、習久

自然、兢兢終身、保此親體、無虧而歸、是為守身、

(邱)前章、言於孝有虧、從厄處惕人也、此章言保親而歸、從切實處指點也、此一段正守身實際、苟失其守、塊然軀殼、

有負父母、生而猶死、(邱)此言不守者之可畏如此、抑知人生、體相完

備、即有其神、每日在身、各有處所、(按)素問經云、凡人身上心神在頭、在背、在腰、

在腹、在肩、在手、在足、各有處所、一身運動、皆神所周、(經)云、心神一日不周、則人不生、神在

臟腑、欲不可縱、神在四肢、刑不可受、縱欲犯刑、

守身之要
特為指出

帝君自謂
帝君守一
己之身而
兼守衆人
之身者

非傷卽死、凡有身者、所當守護、守真為上、守心

次之、守刑為下、愚夫匹婦、無所作為、以足保身、

(邱)不去損他亦是守、何爾聰明、奸為妄作、昧性妄身、沉溺欲海、

全不省悟、(省)悟二字着眼、大羅天神、觀見斯苦、發大慈悲、

(邱)不忍斯人之忘身失守也、降生聖人、以時救度、惟茲聖人、躬先率

孝、(邱)聖人是守身的樣子、加檢必謹、加恤必至、(邱)加檢、言聖人所守者如此加恤、言聖人、望人守身者

如此不忍斯人、墮厥親身、一切裁持、遂其所守、種

種孝願、當身體物、體在一身、化在衆生、界茲凡

有、同歸於道、身居不動、肆應常普、如是守身、是

爲大孝、

(邱)守一身者爲孝、守衆身者大孝、總結一語、自天子以至庶人、皆以守身爲本也、

邱氏曰、守身本體親來、不是謹守此軀殼、要在完得本來心性、章首一句、便說貴審其守、次言身所自來、不可不審、三言、親惟愛護子身、得以完備、四言所守必當如是、五言失守之害、六言、一身軀殼、皆性命所關係、不忍斯人一語、見守則爲孝子、不守則爲禽獸、聖賢無難、不過孝弟而已、孝弟無他、不過守身而已、

教孝章第五。

(邱)教人者、先自盡孝、令人看我榜樣、方能教人、

帝君曰、孝自性具、教爲後起、

(邱)先提教字作主、

世多不孝、皆

因習移、愚既罔覺、智又誤用、聖人在上、惟教爲

急、教之之責、重在師傅、尤當慎擇、

(邱)師傅、爲教孝之原、

賢良

之師、化惡爲善、不賢之師、變善爲惡、

(吳)惠定宇禮說、周禮師氏、詔王嬖、而

教國子、以三德三行、保氏諫王惡、而教國子、以六藝六儀、古者師保之官、掌國中失之事、中者爲嬖、王有嬖、則道之使成、失者爲惡、王有惡則聞之使止、因以教王及王世子、而國之貴遊

欽立教之
故教必擇
師此主君
上說

子弟、皆從王世子、而學焉者也、降及春秋、其道息矣、然其風猶存、秦穆公益國十二、而學於著人、荆文王兼國、三十二學於保申、秦至穆而霸、楚至文而昌、二君能光大先世之業、以成其徽者、師保之力也、楚太子商臣之惡、其師潘崇實倡之、猶陳公子佗之、惡本于其傅之不良、蓋二人之性、未必惡、師傅惡故二人從之而惡、說者謂、商臣盪目財聲形惡也、豈其性惡乎、詩有墓門、刺陳佗也、陳佗無良師傅、以至于不義、惡加於萬民焉、故曰、墓門有棘、斧以斯之、言斧能析薪、猶師能止惡也、余按教不必皆師也、管觀穎考叔、感鄭莊、合寤生之、母子相見、舅犯告重耳、而亡人知仁親爲寶、里克誠申生、師而不教、過且有歸、教之卒成恭世子之名、勸善之爲功大矣哉、

不善、其罪尤大、不賢之師、導之匪僻、引之邪佞、養成不肖、流爲凶頑、越禮犯紀、妄作無忌、雖欲救之、急難格化、如是爲教、罪實非輕、藥石之師、惟賢是與、行已端莊、導人忠信、

(吳)人語、王文康公、父訓誨童蒙、必盡心力、脩脯不計、每與

同輩論師道曰、天地君親師、五者並列師位、何等尊重、後生以師事我、則終身成敗榮辱、俱我任之、若不盡心力、誤人子弟、與庸醫殺人等罪、又喜爲童子、講孝弟故事、曰學者先心術、而

後文藝、先敦本、而後施仁、如孝弟有虧、雖才華震世不足重也、晚年生文康公、人謂為善之報、

教不能設、孝無畸行、

因其本然、還所固有、朝敦夕誨、幼育長循、惟茲

孝弟、化行是先、雖至愚氓、無不曉習、

(吳)魏書、房景伯為清河守、母崔通經有

識、時邑婦人、列其子不孝者、母曰、民未知禮、乃召其母、與之對榻共坐、景伯供食、使其子侍立堂下、觀二十日、其子叩頭、知過、母涕泣乞還、卒以孝聞、福壽全書、蔡京專政、子攸勢與

父軋、父子各立門戶、攸別居賜第、一日詣京遽握、父手為切脈狀、曰大人脈勢舒緩、得無恙乎、京曰無之、攸即辭去、客見以問京、京曰、此兒欲以為吾疾、可罷我耳、越數日、果以魯國公致

仕、長洲一丐兒、母詣沈孟祥處、請丐所得多不食、沈異之、問所往、至野岸一舟、雖陋頗潔、中有老母、丐出物陳母前、傾酒跪奉、伺母持杯方起、跳舞唱山歌、嬉戲以娛母、常日如之、母

死、丐不復見、夫攸亦人子、丐亦人子、與其為攸也、父孰若為丐也、母哉、如是為教、功實不小、為功為

罪、職豈易任、惟名尊嚴、其實如何、孝弟是宗、能

孚孝者、弟亦本諸、

(吳)後漢書、東平王蒼傳、帝聞陰太后、舊時器服、愴然動容、特賜東平王蒼、及邸邛王、京書曰、山陵浸遠、孤心

君子以人治人

惟孝友于兄弟

悽愴、惟王孝友之德、亦豈不然、今送光烈皇后、緘紵帛巾各一、及衣一篋、可時奉瞻、以慰凱風寒泉之思、後漢書、魯恭父某、建武初爲武陵太守、卒于官時、恭年十二、弟丕七歲、晝夜號踊、不絕聲、郡中賻贈無所受、乃歸服喪、禮過成人、鄉里奇之、十五與母及丕、俱居太學、習魯詩、閉戶講誦、絕人間事、兄弟俱爲諸儒所稱、學士爭歸之、太尉趙憙慕其志、每歲時遣子問以酒糧、皆辭不受、恭憐丕小、欲先就其名、托疾不仕、郡數以禮請、謝不肯應、母強遣之、恭不得已而西、因留新豐教授、建初初、丕舉方正、恭乃始爲郡吏、後漢書、繆彤少孤、兄弟四人、皆同財業、及各娶妻、諸婦遂求分異、又數有爭鬪之事、彤深懷憤歎、乃閉戶自搗、曰、繆彤、汝脩身謹行、學聖人之法、將以齊整風俗、奈何不能正其家乎、弟及諸婦聞之、悉叩頭謝罪、遂更爲惇睦之行、後漢書許荆傳、祖父武、太守第五倫、舉爲孝廉、武以二弟晏普未顯、欲令成名、乃請之曰、禮有分異之義、家有別居之道、於是共割財產、以爲三分、武自取肥田廣宅、奴婢強者、二弟所得並悉劣少、鄉人皆稱弟克讓、而鄙武貧婪、晏等以此並得選舉、武乃會宗親、泣曰、吾爲兄不肖、盜竊竊位、二弟年長、未豫榮祿、所以求得分財、自取大譏、今理產所增三倍、於前悉以推二弟、一無所留、如是都中翕然、遠近稱之、唐書、陳饒奴年十二、親併亡、寡弱居喪、又歲飢、或教其分弟妹、可全性命、饒奴流涕、身丐訴相全養、刺史李復異之、給資儲置其童子、孝友

助君爲理、轉移風俗、全在師儒、教不可誤、

師不可違、自重、師、率教在弟、孝原自具、有覺

斯興

開章云、孝自性具、可見人人心中、各具一段、愛親敬親之至理、特不觸不動耳、經教者當頭棒喝、真如洪鑪點雪、

邱氏曰、世人習不孝、非教莫挽、故特為提出師儒、既誠擇師之重、復誠為師之難、又恐子弟甘于自溺、結到教孝非難、即孝弟非人所不能之旨、

教感章第六

(邱)感者、非由此而致彼也、孝之機理貫通、若有自然符契之謂、(吳)素履子曰、孝感天地、應乎神明、天子孝、龜

龍負圖、庶民孝、草木榮茂、

帝君曰、不孝之子、百行莫贖、至孝之家、萬劫可

消

(邱)孝有感應、不孝亦有感應、分毫不爽、下文、申言其故、

不孝之子、天地不容、雷霆

怒殛、魔然禍侵、孝子之門、鬼神護之、福祿畀之、

(邱)孝與不孝、兩兩相形、下文申言、孝之感應如此、

惟孝格天、惟孝配地、惟孝感人、

(吳)初潭集焦華父遺、病甚冬日思瓜、華夢一人黃冠、謂曰、闔子父病思瓜、故送子瓜、華拜而授、及寤、在手瓜香、異甚父食瓜而病愈、徐中原望江、人親喪盧墓、禽採花而插墳、獸銜土

孝配三才
此以理言

禍福兩途
聽人自擇

孝有百感
此以事言

而壘隴、南史、庾域有孝行、母好鶴唳、域孜孜營求、一日雙鶴來下、世說吳郡陳遺、性至孝、母好食釜底焦飯、遺作郡主簿、恒裝一囊、每煮食、輒貯錄焦飯、歸以遺母、後值孫恩賊出

賀郡、袁府君山松即日便征、遺已聚斂得數斗焦飯、未展歸家、遂帶以從軍、戰于淝濱、敗軍人潰散、逃走山澤、皆多飢死、遺獨以焦飯得活、時人以爲純孝之報也、漢書丁蘭、河內人、早

喪母、刻木像事之若生、隣人張叔假物、蘭妻卜木像不許、叔醉詈木像、且擊之、蘭歸見木像色不懌、詢之、即奮擊張叔、吏至捕蘭木像爲之垂淚、郡嘉其孝通神明、奏之、詔圖其形、

三才化成、惟神敬孝、惟天愛孝、惟地成孝、(邱)惟能格配感動、

故神敬而天地成之、下水難出之、火難出之、刀兵刑戮、疫癘

凶災、毒藥毒蟲、冤家謀害、一切厄中、處處祐之、

(吳)世說、庾子與父、卒官巴西、奉喪歸、到巴東、淫預石罌塘大灘、秋水猶壯、子與撫心長料、其夜忽水減退、安流而下、既渡、水壯如舊時、人爲之語、曰、淫預如幘本不通、罌塘水退爲庾

公、後漢書、姜詩夫婦均孝、赤眉經其里、弛兵過之、曰、驚大孝、必觸鬼神、欲帛米予之而去、朝廷拜姜詩郎中、至下詔言、大孝入朝爲朝榮云、福壽全書萬歷十七年、建德山中多虎、白

晝攫人、有農夫負穀回、卒與虎遇、告虎曰、某固知命不可逃、但年荒母老、需此度命、容送穀到家、供母晨餐、來此就死、靡敢失信、虎遂曳足去、農至家舂米、達旦以遇虎事告母、欲往踐

約、母止之曰、幸脫虎口、又何自送死、農曰、凡人落虎口、必其命然、今縱不往終不免、况昨已許矣、彼雖異類、亦有仁心、可失信乎、母泣送之、農至其地、虎已先銜一人而不食、見農至、惟

以爪爪死人、農悟曰、虎欲我葬此人乎、虎遂去、農為瘞其尸、因解視衣包中、有白金數十兩、出帖招主認、久無至者、稍取以度荒、遂得終身孝養焉、初潭集殷陶汝南人、年十二、遭父

憂、有長蛇帶其門、舉家奔走、陶以喪柩在、獨居廬不動、蛇亦引去、**孝之所至、祖宗積愆、悉皆消**

滅、父母沉疴、卽時痊愈、是以斗中有孝弟王、斗中有孝

弟王、專引孝子升天、東岳有孝順司、專登孝子行事、**下有孝子、光耀乾坤、精貫兩儀、**

氣協四時、和徧九垓、星斗萬象、莫不咸熙、神行

河岳、海波不揚、遐荒是奠、遠邇均孚、(邱)此正言、格配感應之大也、(吳)

漢明帝、自期門羽林之士、悉令迎孝經、當時甘露降于甘陵、芝草生殿前、神雀五色、翔集京師、漢書禮樂志、孝奏天儀、若日月光、言以孝道進承於天、天神下降、故有光、普書天文志、

織女三星、在天紀東端天女也、王者至孝、神祇咸善、則織女星俱明、天下和平、唐太宗貞觀十四年、帝詣國子監、釋奠先師、命祭酒孔穎達、講孝經畢、有詔褒美、是年玉華宮、李樹連理

頓住此下
重言不孝
之罪垂戒
後人一連
教十層不
恤舌徹人
焦爲世人
喚醒迷途
讀此而不
悔不晤者
非人也

隔澗合枝、慶歷七年三月丙申、邇英殿講孝經、
天聖景祐、至和嘉祐年間、壽星凡十五見、
孝之爲道、功德普遍、一

夫人之生、養親有缺、且難爲子、何況世人、毀罵

父母、腹誹父母、親且毀罵、毆叔詈伯、慢君凌師、

無所不爲、子在懷抱、氣不忍吹、及其長也、愛之

者真、訓之者嚴、以愛子心、用之撻楚、
(吳)揚子慈母之怒子、雖折蓼答之、其

惠存撻亦是愛、嗔亦是愛、卽有盛怒、子惟柔順、欲

再杖時、手不能下、何爾世人、拒親責已、如抗大

敵、天怒地變、豈容大逆、子有病厄、親處不安、何

於親疾、絕不關心、子有勞苦、親關痛癢、何況我

體犯法極刑、子苟不育、淚不會乾、

(吳)後漢書、楊彪傳、子脩爲曹操所殺、操見彪問

曰、公何瘦之甚、對曰、雖無日暉先見之明、猶懷老牛舐犢之愛、曹爲之改容、晉書、王衍傳、喪幼子、山簡弔之、衍悲不自勝、簡曰、懷抱中物、何至如此、衍曰、聖人忘情、最下不及情、然則

情之所鍾、正在我輩、簡深服其言、冀其重生、傷入七情、何爾世人、父母終

天、未及三年、思慕中衰、祭享失時、親骨不葬、且

于不孝、何爾世人、貧發親塚、賣穴暴露、嗟爾父

母、念念及子、何爾世人、凡事用心、獨於父母、有

口無心、不肯實爲、人之一身、諸般痛楚、何處可

受、何爾化外、火焚親屍、全無惻隱、美名火葬、於

心最忍、

(吳)明史太祖、嘗與學士陶安、登南京城樓、聞焚屍之氣、安曰、古存掩骼埋瘞之令、推恩及於枯骨、近世狃於元俗、或焚之而投骨於水中、於心何忍、上曰、

以下專爲
火葬者言

欲報之德
昊天罔極

此王道之言也、自是王師、所臨見枯骨必掩之、而後去、至是乃令天下郡縣、設義塚、凡民貧無地以葬者、命所在官司、擇近城寬闊地爲之、敢有徇習元人、焚棄屍骸者、坐以重律、吁仁人

之言、其利溥哉、

夫人之死、口不能言、肢體難動、心實未

死、猶知痛苦、過七七日、心之形死、其形雖死、此

心之靈、千年不死、火焚而熾、碎首裂骨、燒筋炙

節、立時牽縮、心驚肉跳、若痛苦狀、俄頃之間、化

爲灰燼、於人且慘、何況我親、(邱)火葬者、如此可畏、戒之戒之、誦是經

者、各宜省悟、省悟二字着眼、苟無父母、烏有此身、報恩靡

盡、銜慈莫及、

邱氏曰、孝感一章、不是我去感動的感、乃是孝之所至、不言而喻、觸處皆靈、無間無息的大道理、帝君所以特著末章、收結全經、大旨在人子惟求盡孝、絕無要感動人的念頭、不知

不覺、而天地萬物、咸育孝中、此感之所以不可量也、

邱瓊山先生、總註、曰六章、聯絡照應、有大經攝、六章如一章、一章如一句、包藏無限精義、收束在一孝字中、上章爲下章立義、後章爲前章闡發、明白顯亮、深入淺出、帝君、勸化苦心、真堪萬古不磨、讀者其詳玩之、

是編、吾鄉徐餌珊、先生、於道光乙未、集資重

鐫、

僕

覓得讀而什襲之、十餘年來、以筮仕奔馳

未遑續梓、廣布、客冬有持他編孝經求梓者、

僕

嘉而許之、惟見其編於本經分爲十八章、雖註

釋詳明、似不如是編爲簡括、以示 鄭守庭同

年、趙煦芙廣文、所見皆同、因卽捐資刊板、

而持他編求梓者、亦釀金爲刷印助、三閱月鑄
既竣、行將印布之、倘能使見是編者、身體力
行、無負

帝訓、則

僕

從前什襲不傳之過、未知可以稍補否

辛亥七夕、前三日、大梁張行澍、瀚門氏、謹識
於東陽署齋、

文昌帝君孝經一書、傳世歷有年所、惟吉林省失傳已久、敝人於清光緒年間、就學吉郡武備學堂時、曾蒙地方將軍延爲訓諭、諸生賜給各書、而此居其一、嗣經庚子事變、遣散各軍、而學堂亦隨之停辦、遂將此書置諸高閣、復以人世滄桑、東遷西移、未獲付刊行世、迨吾滿洲國成立、王道重興、聖教復起、部令各學校添講經一科、尤以孔子孝經爲先、敝人有感及此、是以檢覓書笥、拾得此書、逮欲付梓翻印、奈一時手乏未果、故商諸同好、衆志贊成、暫行刷印仟卷、施送各戚友誼學生等、區區此意、無非爲光大聖教及爲後生座右之銘耳、況 帝君孝經較 孔子孝經辭意極爲詳細、註釋尤爲

繁多、觀此書之著述意義、不僅攸關世道國體、風化人心、家庭教育、當以倫常爲基礎、猶可按此嘉言懿行於各學校課程、國文修身、作參攷資料、依爲初學訓諭之模範、立德之本、教學之用、堪稱當代後世子孫作人大有裨益之書云爾、是爲跋、

趙庸久撰具並題

栗餘三 國幣拾元 宋潤芳 國幣拾元

何梓暘 國幣拾元 趙玉琪 國幣拾元

以上共贊助國幣肆拾元

李香九 國幣三元 馬德純 國幣貳元

向趙氏 國幣貳元 鄭魁林 國幣壹元

范永信 國幣壹元 趙雲樵 國幣壹元

趙星橋 國幣壹元 趙玉珠 國幣壹元

何巨泉 國幣拾元 趙庸久 國幣卅元

以上共贊助國幣肆拾貳元

